

重修天津府志卷二十

考十一

輿地二

山水

水道圖說
治河諸說

山 按津郡七屬自古匯水之區無山可紀通志前
志及諸州縣志所載悉本舊文而未徵實茲經
履勘一周所載諸山皆陂陀小阜視平地稍高不
足名山鹽山最爲山之次者以此名縣然今爲山
東海豐境矣姑依諸志
臚列而注其實如此

青縣

中山在縣南二里

廣輿記

西山在青縣西南五里四周高峻其頂平行

清一大

統志

縣志境內無此二山蓋皆土岡昔人呼爲山耳明
一統志謂中山高聳懸瀑數十丈其說近誕方輿
紀要謂西山昔人於此立營說亦無據

新通志

滄州

條山在州北三里衛河之許

大清一統志

州志境內無山因州北有條山地名遂訛爲山名
又傳會爲唐陽城隱居之所考唐書陽城傳隱中

條山非條山地理志中條山在蒲州非滄州

新通志

南皮縣

南皮縣有大小台山

金史地理志

大台山在縣北又有

小台山在縣東北

大清一統志

大台山在城北隱隱隆

隆起伏斷續爲一方勝槩形家云此太行分脈自

西南來小台山在東北亦自大台分脈

縣志

五龍岡在城南五十里下有龍灣

縣志

黑龍岡在縣東南四十里

白馬嶺在縣東一里

竇家嶺在城北五里

俱同上

鹽山縣

篋山在縣東南四十里

方輿紀要

一名峽山

太平寰宇記

浮

水東逕篋山北魏氏土地記高城東北五十里有

篋山長七里

水經注

酈道元注水經北魏人樂史記

寔字北宋人各據其時縣治言之耳

魏治高城今故城宋治今

之舊城

縣志

騶山在縣東北七十里接山東海豐縣界一名小

山

大清一統志

陂陀縣互跨山東海豐縣界

方輿紀要

海豐

之騶山

今名小山

近山多鹽山地舊志載入鹽山攷其

道里方隅距魏宋縣治皆符合山脈由東而西突

起一岡上土下石俗謂之饑饉山形實如篋論者

目小山卽篋山非無據也

縣志

鹽山在縣東南八十里地產鹽因名

方輿紀要

無棣溝

又東北逕鹽山東北入海

水經注

鹽山在鹽山縣東

南八十里

元和郡縣志

晉大興初段匹磾據薊爲段末

秭所攻將南奔樂陵石勒遣將石越邀敗之於鹽

山

十六國春秋

前志謂境盡東南皆平原無山想因瀕

海產鹽堆積如山得名遂刪去之按隋書鹽山縣

有鹽山峽山元豐九域志鹽山縣有鹽山浮水明

史鹽山縣東南有鹽山十六國春秋晉大興初段

匹磾據薊將南奔樂陵後趙石勒遣將石越邀擊

於鹽山大敗之水經注無棣溝又東北逕鹽山東

北入海是鹽山實有其山正史古疏顯有確據魏

書地形志陽信縣

山東考古錄晉魏以前陽信兼有今海豐地及直隸鹽山縣之

東南境

有鹽山神祠其靈異著望可知積鹽之說固

屬無稽亦難作湮沒無存解矣攷海豐縣北六十

里之馬谷山

俗名大山有謂卽禹貢之碣石者山後多鹽山地

在今縣迤

東微南距寰宇記宋治

卽今舊城

城東南正八十里其

道里方隅均皆相符明一統志隋改高城爲鹽山

以地有鹽山故名又鬲津徑馬谷驪山之閒由大

沽口入海鬲津下流卽無棣溝與水經所指鹽山

形方亦復符合馬谷山當卽鹽山訛傳縣改名時

山尙在縣境耳府志引長蘆鹽法志馬古

谷字山之訛

在鹽山縣崔家口東三十里平地突起山腰有仙

人洞直曰山在鹽山亦確證矣

縣志

闊山

前志作關山

在縣東南九十里

方輿紀要

闊山在鹽山

縣東南九十里

太平寰宇記

此山及鹽山並低小無峯

巒樹木

郡國縣道記

前志以境無此山刪之或謂百尺

杆鋪前土山高丈許東西里許上有碧霞元君祠

卽闊山者而里數與寰宇記不甚符合

約距舊城六十里

縣志

鐵錢山在鹽山舊街中高二

原缺二字

無字成錠

前志

慶雲縣

馬谷山老烏山皆無棣邑之山名

太平寰宇記

老烏山

長一里許起自縣治東南由學宮跨文運井左緣

城趾而出至於禹津北岸金史地理志無棣有老

烏山

縣志

水

蔡啟盛案郡境惟水爲多茲分錄先代名水以備稽古或今別爲一流不能以大河統攝者亦與窪泊並載之其餘皆出入於大河則具見後水道圖說蓋因初稿抄撮紛錯又不立河渠一門故別著圖說以明之而茲第芟太蕪什九因仍焉

天津府

渤海在天津縣東一百二十里南自鹽山縣東北

接山東海豐縣界又北經滄州青縣靜海至府東

諸川匯入處折東北接順天府寶坻甯河二縣界
古曰渤海應劭曰海之旁出者爲渤漢置渤海郡
以此元時海運皆由天津直沽入口明永樂中會

通河成始罷

大清一統志

天津縣

大沽鎮東南一百二里副將同知駐焉

畿輔輿圖

海

口營東南一百五里守備千總把總駐焉

同上

大

沽海口寬一百五十丈水深一丈五尺 攔江沙

寬四里落潮時水深一尺三寸中間溝槽寬三十

丈深二尺五寸此係九十月閒西北風大刮槽較

深至春閒僅深一尺餘寸五六七月水帶泥淤溝

槽水深不及一尺

檣册 青縣志藝文門總督方觀承詳查海口摺節錄自大沽

至海口十里水深一丈二三尺海近而水轉淺海口正東望無涯際而其中另有港路水深亦僅丈許詢問沿河沿海老民漁戶及熟諳之汛弁等僉稱海口之外有橫沙一道極爲堅硬東西約寬三十里南北約長四五十里謂之攔港沙沙外大洋潮生則驟高數丈連爲一片潮落則沙上水餘數尺其中水港自丈許漸淺至五六尺二三尺洋船乘潮始能出入至平時出口之水雖有橫沙攔港然自津達海地勢向東愈下赴壑之勢原無止息惟是當夏秋之交橫沙內外海水盈滿卽不免於阻遏屆白露後十八日乃復其常故向有白露前海不收水之說考之津志載大沽口兩岸壁陡一闊中橫土人謂之海門鹹潮抵海門而止若天設之以限內外等語是其生成形勢在昔已然其海河潮汐自大沽海口西抵天津之三岔口計一百七十里又自三岔河北沂七十里抵運河之楊村

驛南沂四十里抵津屬之楊柳青西沂六十里抵
大清河之癘柳樹一日潮汐再至自起至落常歷
兩時兼以潮起必有東南風隨潮捲水此南北運
大清子牙等河夏秋水難暢注時復倒漾之故也
海道圖說節錄大沽河計長二百七十里受高
山平原諸水來源分支小河極多可達直隸各處
河口有五礮臺其最大者爲南礮臺臨海一面上
有三墩海岸爲北偏東至南偏西之向凡船體入
水十一尺者乘潮漲時可達天津若船體稍深者
果能行過河口淺互亦無阻滯惟值轉向時應留
意焉 若船體入水過於八尺者潮未漲滿時有
二處不能行過一距天津以下九里爲蘆窰對面
潮退盡時深七拓一距天津以下三里一段長闊
直河闊深六拓半近天津處闊二百尺天津以上
則漸淺窄昔有英兵船入水六尺半行至天津以
上六里處探首段直河內潮漲滿時僅深四尺至
五尺河口外有硬泥互自西北偏西至東南偏東
長二里自此以上近河口處水面寬廣大潮漲滿
時若無大浪尙可分別水道與淺處距外礮臺二
里爲硬泥互間水道最淺之處長約四分之三

距南礮臺上之最南高大墩東南偏東又東二
 二里又四分之三水道頗彎曲潮退盡時深尺
 半底爲軟泥自此向外深二尺底爲軟泥或沙質
 故已過硬泥立即可行於軟泥淺處硬泥互內外
 二界有高墩爲記認之處自外墩至成灣處水道
 爲西北偏北又北一分計長二里已行至此即可
 向西北偏西又西一分對南礮臺之南高墩而行
 探得水稍深時即可稍轉向北行大潮時互上恆
 深十一尺至十三尺然深淺之處又必視乎風勢
 順逆小潮時有僅深六尺至七尺者西十一月閒
 互閒水道漸窄亦漸淺泥亦較硬近海岸又有泥
 灘鋪入海一里半近水道兩旁又有最軟泥灘鋪
 入海四里自河口至曲處爲陡界潮退時近水道
 之界先露北灘沙尾閒深淺不一底爲硬沙值北
 風與東北大風時沙尾恆移入水道咸豐十年
 西八月閒河口探得水性與北塘河口畧同惟北
 塘河口較直於大沽河口大沽河口最淺者爲水
 道灣曲之處底爲極軟之泥再向外則泥與沙合
 而較軟大沽河口過互水道北面淺灘爲硬沙南
 面有沙尾與北塘河口畧同自潮退盡前後見過

互水道頗靜潮力恆順海岸平行或稍向外或
稍向內依漲退速率爲准西十一月間此互較前
月稍淺泥亦稍硬水道外面泥硬處與水道內面
泥輒處深淺畧同而水道較窄於前月且深淺不
一並有僅深六寸者其北面尖嘴亦較長於前月
凡船體入水約深二十四尺即可停泊設潮退淺滯
半之無妨礙緣此間爲輒泥也距南礮臺南高墩東
亦無妨礙緣此間爲輒泥也距南礮臺南高墩東
南偏東八里半爲泊船極穩處其最大而向行者
爲南高墩凡船體入水較少者可依此向前行探
得深淺合宜即可停泊依前方向距互外一里半
則水深十五尺如值半潮除船體入水外猶餘八
尺及潮退盡亦餘二尺至三尺此泊船處受錨
能固惟偶有大浪如索長而堅可敵夏月大風十
一月以後冰漸厚不能停泊北河口互外朔望
日潮漲於三小時二刻十分大潮高十尺小潮高
七尺至八尺尋常潮信每較應漲時或早或遲約
一小時半互旁泥灘漫後潮退恆依陸岸平行漲
向北退向南大潮速率每小時流行二里小潮速
率每小時流行一里惟互上一小時流行二里五
里光緒戊戌

此潮性不一之故恐因北與西北二方之風阻其
流與漲力而使之減小若東與東北二方之風
順潮漲流行必阻其退力而使之增高小潮偶見
渟靜不動約三小時至四小時近互處潮漲向北
退向東南大沽河內潮漲速率流行二里至三里
半最大速率一小時流行四里半近天津朔望
日潮漲於七小時漲落三尺至四尺最大者六尺
雪融時河水高於潮漲三尺至四尺潮漲滿時刻
無定有時於漲滿後歷三四小時尚未見退行漲
退各六小時惟礮臺對面距天津以下數里大潮
漲四小時半退約八小時近礮臺處朔望日潮
漲於五小時距天津以上至楊村務潮力漸緩

大沽口在縣東南一百二十里

大清一統志

河流入海

處兩岸壁立一域中橫土人謂之海門鹹潮抵海

門而止

明一統志

葛沽在縣東六十里

舊通志

大直沽在縣東南十里小直沽受羣川之水大直

沽又在其東南地勢平衍衆流漲溢茫無涯涘故

有大直沽之名

方輿紀要

小直沽在縣東南

舊通志

卽宋泥姑政和二年改曰

河平

方輿紀要

考縣志今海口有尼姑在小直沽東南

一百餘里方輿紀要謂尼姑卽小直沽疑誤

新通志

丁字沽在縣東北五里河形如丁字故名丁字沽

有渡曰丁字沽渡

方輿紀要

在縣東北自順天府武清

縣納三角淀之水入直沽卽西沽也

舊通志

三角淀在武清縣南周二百里或云卽古雍奴水

天津
衛志

水經注四面有水曰雍不流曰奴其源曰范

甕口王家淀掘河越深河劉道口魚兒口河皆聚

於此東會於直沽入於海一名筍溝水

方輿
紀要

考天

津縣冊縣西北四十里至安光村村臨三角淀則

淀屬津武二邑分界

前志

鹹水沽在縣東南六十里卽古豆子坑也

大清
一統志

隋大業十二年厭次人格謙爲盜在豆子坑中王

世充破斬之

隋書

河閒之豆子坑今鹹水沽是也東

去海四十里

括地
志

以上四沽卽縣志所謂海河也

大直沽以東又有賈家沽元沽泥窩卧河白塘口

劈地口三汊沽四里沽盤沽雙港鄧善沽郝家沽
東沽草頭沽桃園沽邢家沽上下小沽皆海河所
經特因地異名耳天津有七十二沽之名今在縣
境者實祇二十一沽皆從西潞河名也西潞河一
名西沽河在寶坻者二十九沽曰剪子沽南寨沽
五道沽小塔沽又小塔沽王家沽曹家沽葫蘆沽
青稗沽于家沽梁家沽貂子沽西魯沽東魯沽菱
角沽砭石沽塔沽半截沽大洵沽瑪瑙沽大駱里
沽小駱里沽灘沽大沽北李子沽南李子沽八道
沽傍道沽西壯沽在甯河者二十二沽曰齊家沽